

奉節縣志卷七

山川 險灘附

白鹽赤甲俯視羣山龍脊虎鬚橫截舟艦其險也如此而清奇靈秀之氣隱隱隆隆蘊蓄宏深此豈人力所為哉志山川

山名

卧龍山治東北五里上有先主諸葛祠今廢
少陵句云翠華想像空山裏玉殿虛無野寺中

奉節縣志

卷七

山川

一

文 峯治南隔江十二里俗謂筆架山其形三岐中峯獨高故名

勝已山治南隔江十二里在文山右峯巒疊秀巍然獨出宋郡守王十朋名曰勝已

赤甲山治東十五里不生草木土石皆赤如人袒背故曰赤甲一名火燄山或云漢巴人赤甲屯兵於此因名

白鹽山治東隔江十七里崖壁高峻色如白鹽張琬書赤甲白鹽四大字於上與赤甲山

夾江對峙爲蜀咽喉杜甫詩云早立羣峯外
基盤積水邊他皆任厚地爾獨近高天

馬嶺在白帝赤甲間東十四里

長松嶺治北五十二里上多古松冬夏饒風
麝香山去東瀼溪三十里今有香山寺杜甫詩云雲暖麝香山

白帝山在縣東十三里高聳特峙與赤甲山
相接公孫述據蜀有白龍自井出故號曰白
帝城

奉節縣志

卷七

山川

二

羊角山在縣東十餘里下臨大江

石馬山在治東三十里下卽石馬河舊有石
馬

七曜山在治南二百里縣延直抵湖北施南

慈容山在治西南一百四十里又金子山在

治南一百里與湖北施南接界

相公山在治西一里

官口山在治西二十里二山雄峙層疊奇秀
象鼻山在治西北三里

九盤山在治西北十五里形似九曲

三台山在治西北二十里峯巒三疊如三台之象

天門山在治北十五里

豸頭山在治北十五里

真武山新舊治皆無考宋王十朋有詩

文筆山在治東南隔江三里峯尖如筆故名

蓮花峯在治西北五里上有蓮花池

得勝岡在治北舊有武安王遺迹建廟其

奉節縣志

卷七

山川

三

上宋王十朋有詩

老虎坡在治西八十里形貌如虎勢極險峻

紅崖在縣南一百五十里山形如羅織周圍

赤壁巉削高峻無極北連一山蜿蜒若龍西

一山若獅首尾俱備迎面又突起兩阜形圓

如毬亦山勢之雄奇者下有安佛古寺

天鷲山在縣東十八里形如鷲山有清泉嘉

慶初鄉人避教匪之亂建寨其上名天鷲寨

獅子山在縣東北八十五里山形如獅首故

名嘉慶初馬提督帶兵追賊曾于此地戰歿
麒麟山在治東三十五里形如麒麟因名焉
寶子山在治東九十里與巫山大甯接壤
佛靜山在治東北七十里雄秀特奇

窳浸巖距縣東北六十五里其山險峻中產
鐵礦

石龍在縣東北距獅子山半里石體圓平高
峻可丈餘長三丈許不知何時被雷擊石端
迺截然中破石紋龍形宛然今呼其地曰雷

奉節縣志

卷七

山川

四

打石

鐘山一名大山在縣南梭壩距城二百里高
聳直凌霄漢雖晴霽常有雲覆其頂狀若列
笏其上有大坪萬石森立若驟若馳俗呼爲
石馬坪山縣延數百里邑南如白鹽諸山皆
其支派也

川名

岷 江治南門外亦名蜀江源自岷山會百
川經於夔匯爲瞿唐一名汶江山海經云神

生汶江馬首龍身禹導江神實佐之

南鄉峽在治西五十里水經注江水經南鄉
峽

瞿唐峽治東十三里兩岸對峙中貫一江灩
澦當其口瞿者大也唐水所聚也又云瞿者
渠也秋冬水落爲瞿唐者唐也春夏水溢爲
唐又舊名西陵峽李白詩日邊板垂蘿霞外
依窮石

西灤水治東一里自達州萬頃池發源至八

奉節縣志

卷七

山川

五

陣圖流入岷江杜甫詩雉蝶粉如雲山田麥
無壠春氣晚更生江流靜猶湧卽此

清灤水在治西二十里卽白崖口溪

東灤水治東十五里自長松嶺發源由白帝

山腳流入岷江公孫述於此墾稻田號東屯

杜甫僑寓詩有泥留虎鬪迹月掛客愁村之
句草堂遺址尙在又名爲草堂河

龍洞溪治西八十里自白海壩發源南流入

岷江水經注巴鄉村村人善釀酒村側有溪

溪中多靈壽木溪中有魚甚美卽龍洞溪也
龍脊灘治東三里江中有石長百尺若龍脊
俗名銅錢堆

上温井 下温井在龍脊灘南岸

魚復浦八陣圖東北孔明對馬良曰吾入川
時已伏十萬兵在魚復浦矣卽此處也漢魚
復縣以此名唐劉禹錫有詩

灩澦堆屹立瞿唐峽口中流之柱石也按水
經注云白帝城西有孤石冬出水二十餘丈

奉節縣志

卷七

山川

六

夏卽沒秋時方出灩澦如象行人莫上灩澦
如馬行人莫下行人以爲水候邑人自古相
傳灩澦之下伏有夔龍值夏水盛漲由西瀼
而入於龍潭至秋水涸則伏於灩澦先時旱
水涸石露大半見三足如鼎形杜甫詩有江
天漠漠鳥雙去風雨時時龍一吟之句
天 池治東三十里少陵句云天池馬不到
嵐壁鳥纔通百頃青雲杪層波白石中
蓮花池治西北嶺十里有池池之上有祠祠

內所記者一濂溪周公一梅溪王公一潛溪
宋公名三賢祠年久傾圮嘉靖十二年巡按
四川御史朱廷立按察司副使張儉簽事李
文中捐資重修巡按朱兼爲文勒石以紀之
蔡宗克題三賢祠亦有清泉細酌濂溪水之
句至萬曆二年郡守郭棐重修郡志謂濂溪
未嘗判夔夔爲濂溪過化之地池係周行可
爲夔運使時所鑿不知濂溪之蓮花池猶寇
公之相公橋寇公係巴東令嘗愛夔溪水清

奉節縣志

卷七

山川

七

冽取以烹茗後爲相夔人建橋溪上遂名相
公橋以寄思慕之意其實寇公爲相後何嘗
至夔哉濂溪雖未判夔而合州之任五載去
來皆至夔夔人士念濂溪爲理學名儒所著
太極通書有功於後學不淺設主以祀之池
原舊日所有以鎮火災因祠內祀濂溪故種
蓮其中復建太極亭於池東以誌景仰耳故
謂濂溪未嘗判夔則可謂池必爲周行可所
鑿則非也

陽元水在治西見水經注此水舊志無考今
輿圖縣西南有五龍老馬二溪東北入江疑
卽是

相公溪在縣西三里溪濱有寇公井故名夔
諸水惟此烹茶最佳相近有三岔溪取和夔
麩甘美又和豐溪在縣西一里

安陽溪在治東二里南流人大江

螞蝗溪在縣北舊引流入城供民汲飲

清涼溪在縣東十三里瞿唐峽上

奉節縣志

卷七

山川

八

聖姥泉在縣東入蜀記瞿唐峽有聖姥泉石
上一罇人呼於旁則泉出屢呼則屢出亦異
事也蘇舜欽開見雜錄亦記之

仙人井在治南三十五里勝已山側泉水澄
清冬溫夏涼側有漢公孫述鑿飲此泉數字
口水池在治東北四十五里

劉封井在治西開元寺前

勝泉井在治東二十五里勝泉山上

龍潭河在新村壩距城九十里有泉水下向

上流灌下壩之田百餘畝河內出洋魚細鱗長身色白味美乃江中所無也

瀑布泉在奉大兩縣交界處地名落鑼洞巖高六十餘丈水由洞巖頂上飛流而下如空中垂白練然其洞有四五處而滴水不入亦奇觀也

門坎石在縣東北八十餘里橫亘花沿河中長六丈厚五尺寬五尺餘其地與楊柏河門坎石相距五六里其寬長厚薄亦相似雖中

奉節縣志

卷七

山川

九

隔一山實係地氣一脈相連爲奉大兩縣天然分界之所

天生石橋在縣東北九十里其石長十二丈餘寬一丈厚兩丈下距溪約八九丈橋兩頭在石崖中不知多寡誠天生石橋也

烏龜洞在鐘山下洞中有石大丈餘酷類龜形有泉從龜腹內出潺湲不絕出泉處有碎石人謂之龜糞磨汁能療心痛

白雲洞在縣南二百里鐘山觀音崖鐘山西

行二十里山勢忽大跌斷壁分兩崖高峙萬仞溪水中出儼同巫峽洞在東崖之半幽險異常人跡罕到洞口高三十餘丈寬二十餘丈洞旁更有二洞稍小有泉從旁穴出冬溫夏涼

大巖洞在縣南蓋下壩距城二百五十里絕壁萬仞洞在巖腰洞口高六十餘丈深不可測巖下有泉名大魚泉水勢洶湧匯而爲潭有大魚伏潭中往往天將大雨大魚時一見而羣魚從之

奉節縣志

卷七

山川

十

石筍河在縣南二百五十里河畔一大石周圍五十餘丈高八九十丈宛與山齊狀若春筍地因此得名河出蓋下壩北流入大江野豬洞在長龍山腹距城百二十里洞中多異迹好事者秉燭以遊莫測其底招鳳巖在縣北百三十里順治初有鳳曾飲於此溪沿石而步其爪印於石長五寸許凡數十步後人因刻其痕於石以紀瑞焉

聚寶溪在府治後水由太極亭卧龍岡自北門入城歸聚於此故名全郡伯建聚寶溪碑于上

乾龍洞在縣東北十五里之龍潭距對岸龍上廟半里許有石壁洞居壁上深入莫測中多異蹟逼仄處若門道光初里民劉啟元率人執火入約行數里過七門聞汨汨水聲見有物如龍形驚而退後無敢入者

喊泉在縣南二百四十里其流甚細人疾呼則泉湧出

奉節縣志

卷七

山川

十一

母豬龍泉在朱家壩距城二十里平沙之中水從地底湧出成一小潭約深丈餘俯視清澈寒氣逼人中有青魚游躍俗謂陰魚人莫敢取以水勢洶湧故也時或噴出高八九尺若萬斛明珠傾瀉於地誠爲奇觀

達泉宋大著鑿今廢

高桅灘在縣西七十里江畔直豎一大石梁夏秋泛漲水爲石阻潰漩疊發極險其尾卽

青崖灘亦漲水著名險處諺云高桅子冒花
青崖子抄家非虛語也設有救生紅船

八木灘在縣西十五里冬季水落北有石積
南有虎臂灘怪石巉巉如爪牙相拒江流至
此曲束水勢湍急夏秋泛漲瀆漩異常亦險
老馬灘在治西安坪驛春冬最險

白水溪在治西北六十里溪口卽白馬灘與
老馬灘對峙亦險

蟠龍石在縣西四十里其石蜿蜒江心有十

奉節縣志

卷七

山川

三

餘丈水漲則沒

青崖子灘在江上游離城六十五里該灘兩
岸對生石嘴上下俱有大沱每年自四月起
至六月止江水泛漲沖激石嘴上下大沱瀆
漩洶湧長至里許爲大江極險之灘舊設救
生船一隻水手六名

二沱灘在江上游離城三十五里該灘生有
石樑一道下有石盤對岸有大石生堆每年
自四月起至十月止江水泛漲水沖石樑上

下發起瀆漩爲大水極險之灘舊設救生船一隻水手六名

灩澦石灘在江下游瞿唐峽口離城十里該灘大石在江心屹立左右漕口二道每年自四月起至十月止江水泛漲水淹大石瀆漩洶湧波浪曲折船被水摧往往觸石而碎其深無底爲大水極險之灘舊設救生船一隻水手六名

石板峽灘在江下游離城二十里該灘兩岸

奉節縣志

卷七

山川

三

俱懸崖峭壁生有石板形如鱗甲對面上連臺子角下接倒吊和尚每年自四月起至十月止江水泛漲水淹半崖臺子角水勢直沖石板灘倒吊和尚滾起瀆漩浪大洶湧灘深無底船落瀆漩船舵不應卽至覆溺爲大水極險之灘舊設救生船一隻水手六名

小黑石灘在江下游離城二十五里該灘上下各有石樑一道約長里許每年自四月起至十月止江水泛漲水淹石樑二面急水直

沖黑石連發瀆漩灘深無底船至瀆漩艖舵不應頃刻覆溺爲大水極險之灘舊設救生船一隻水手六名以上五灘於嘉慶八年報部列爲極險之灘至今並無更改

男女孔灘在江下游瞿唐峽內離城十五里該灘兩岸懸崖陡壁每年自四月起至十月止江水泛漲水過半崖連發瀆漩巨浪洶湧水深無底爲大水極險之灘舊設救生船一隻水手六名於嘉慶八年報部仍列爲次

奉節縣志

卷七

山川

十四

險之灘至今并無更改

黃龍灘在縣東寰宇記云三峽之首白鹽峯下有黃龍灘

虎鬚灘在治東三十里杜甫詩云瞿唐漫天龍鬚怒卽此

黑石灘在縣東三十里諺云灩澦冒頂黑石下井言其險也

按黑石灘在灩澦堆下瞿唐峽內灘不止一處小黑石石板夾扇子石燕鬚礮臺子角白

果背皆大石緣岸矗立犬牙相錯水不能直
流舟如蛇行水大湍急不觸東則觸西一觸
則舟碎矣道光三年邑令萬承蔭招募湖北
職員李本忠捐資將黑石灘內石板夾扇子
石燕鬚礮臺子角等石一一鑿去并將白果
背數十里緯道一一剗平用銀壹萬三千餘
兩現在水勢較平挽緯得力商民賴之

光緒十五年汪郡伯鑑倡議開脩峽路告厥
成功偉人偉事千古僅見督部堂劉秉璋奏

奉節縣志

卷七

山川

五

摺云 奏爲夔州府知府汪鑑開修夔巫兩
峽緯路輜路礮道事竣謹將工程經費立案
原由恭摺具陳仰祈

聖鑒事竊查川省險灘櫛比而數不可枚舉其最
奇險者爲三峽夔峽起奉節白鹽山爲三峽
之首卽古瞿唐峽當峽口者曰灩澦堆冬則
出水二十餘丈夏則沒於水中亦二三十丈
勢險溜急人力難施巫峽在巫山縣東水經
注云是杜宇開鑿以通江水泐峽一百六十

里峯巒峭削所謂巫山十二峯也在湖北宜
昌歸境者曰巴峽卽古之西陵峽凡此三峽
峭壁插天懸崖千仞並無山徑可通蜀道之
難於斯爲最中惟一綫川江急湍奔流上下
行船絕無緯路每當夏季水漲舟行輒覆每
歲遭覆溺斃者不下數十百人光緒十四年
九月間夔州府汪鑑立志捐廉稟請開修經
臣批准允從夔峽開工自白帝城起下至大
溪之對面狀元堆止曲折紆回約三十里施

工之始工匠無所憑藉乃對壁鑿孔層累而
上每開一大竇實以火藥然引綫而炸之旋
炸旋鑿使千仞峭壁之腰嵌成五六尺寬平
坦路緯轆可以並行其中分造溝礮平礮十
九道自狀元堆至巫山縣城九十里中造平
礮二道拱礮四道並剏開土石山麓亦成寬
平坦路夔峽於去夏工竣迄今兩年當盛漲
封峽之時行人往來山路肩挑臂負絡繹稱
便而舟行有緯路亦少覆溺之患巫峽於十

五年十月開工自巫山對岸起下至川楚交界之編魚溪青蓮溪止計七十五里地段較長經費較鉅計造大拱橋四道迤邐開鑿變險巖爲康莊今已一律告成本擬接修楚境巴峽惟力是視經臣電商湖北督撫臣接其回電由楚籌修是以修竟川界而止是役也該府汪鑑捐銀一萬兩臣籌撥閒款捐銀貳萬捌千餘兩渝夔兩屬官商樂捐銀貳萬貳千餘兩又錢貳萬餘串除支用一切經費及

設石椿鍊鍊等用外存銀壹萬兩發商生息以作緯路輜路礮道歲修之資茲據該府汪鑑造冊稟請立案前來臣伏查蜀山萬點赴眾壑者夔門川水支流障奔濤者巫嶺徑路旣絕攀躡難登舟遭覆溺之傷人鮮救援之處數千年來未能經營開鑿者誠以工艱而費鉅也該府汪鑑有志竟成竭一己之誠勝五丁之力免行人於胥溺慶王路之蕩平厥功實非淺鮮其平日居官亦復精勤廉潔

培植士林合無仰懇

天恩准將夔州府知府汪鑑降

旨嘉獎以爲好善勤民者勸出自

聖慈所有開修夔巫兩峽緯路轎路礪道事竣謹

將工程經費立案原由恭摺具奏